



STUDIE ORDNING



Nunatta Isiginnaartitsinermik Ilinniarfia
The National Theatre School of Greenland

KALAALLIT NUNAATA ISIGINNAARTITSISARFIANI ISIGINNAARTIT- SINERMUT ILINNIARNERUP AAQQUSSUUSsaanera

Imarisaanut takussutissaq:

1	2
2	Fejl! Bogmærke er ikke defineret.
3	Aallaqqaasiut	3
3.1	1. Ilinniarnerop kalaallisut, qallunaatut tuluttullu taaguutaa	3
3.2	2. ECTS-imi sivirususiliineq.....	3
3.3	3. Ilinnialernissamut piumasaqaatit ilinnialernissamullu akuersinermi periaaseq	3
3.3.1	3.1 Ilinnialernissamut piumasaqaatit	3
3.3.2	3.2. Ilinnialernissamut akuersinermi periaaseq	3
4	4. Siunertaq.....	4
4.1	4.1. Isiginnaartitsisartutut ilinniarnerop nalinginnaasumik siunertaa	5
4.2	4.2. Ilisimasatigut tunngaviusut.....	5
4.3	4.3. Isiginnaartitsisartutut ilinniarnermi ilikkagaqarnermik pissarsiassanut anguniakkat	5
4.3.1	4.3.1. Ilisimasat paasinninnerlu	5
4.3.2	4.3.2. Piginnaassutsit.....	6
4.3.3	4.3.3. Pisinnaasaqarfiit	6
5	7
6	5. Moduli.....	8
7	6. Inaarutaasumik suliamut malittarisassat.....	9
8	7. Naliliinermut malittarisassat.....	10
8.1	7.1. Naliliinerit assigiingitsut	10
8.1.1	7.1.1. Semesterini naliliinerit.....	10
8.1.2	7.1.2. Isiginnaagassianik naliliinerit	11
8.1.3	7.1.3. Ilinniarnerop qiteqqunnerani naliliineq.....	11
8.1.4	7.1.4. Inaarutaasumik suliamik naliliineq	11
8.1.5	7.1.5. Isumaliutiginninneq paasissutissiinerlu	11
9	8. Inaarutaasumik suliamut uppersaat.....	11

10	9. Ilinniakkap ingerlaqqissutaasinnaaneranut malittarisassat.....	11
11	10. Ilinniartut inatsisitigut atugassaat	12
12	11. Immikkut akuersissuteqartarneq.....	12
13	Ilanngussaq 1: Suliap suunerannik nassuiaatit.....	13
14	Suliap suunerannik allaaserisaq: KULTURIKKUT OQALUTTUARISAANEQ AAMMA ISIGINNAAGASSIALERINEQ	13
15	Suliap suunerannik allaaserinninneq: TIMI ATORLUGU ISIGINNAARTITSINEQ (FYSIODRAMATIK):	15
16	Suliap suunerannik allaaserinninneq: OQALUNNEQ NIPILU.....	18
17	Suliap suunerannik allaaserinninneq: ERINARSORNEQ NIPILERSUKKANILLU ISIGINNAARTITSINEQ	19
18	Suliap suunerannik allaaserinninneq: ISIGINNAARTITSISARFIUNNGITSUNI ISIGINNAARTITSERIAATSINUT SUNGIUSARNEQ	22
19	Suliap suunerannik allaaserinninneq: SULIANUT TAMANUT TUNNGAVIK	23
20	Suliap suunerannik allaaserinninneq: ISIGINNAARTITSINERUP TUNNGAVIUSUMIK TEKNIKKIA.....	24
21	Suliap suunerannik allaaserinninneq: ISIGINNAARTITSINERIT	28
22	Suliap suunerannik allaaserinninneq: ILINNIARNERMUT ATATILLUGU ANGALANEQ AAMMA SULIFFIMMIK MISILIINEQ	30
23	Suliap suunerannik allaaserinninneq: OQAATSIT	32
24	Suliap suunerannik allaaserinninneq: INAARUTAASUMIK SULIAQ.....	34
25	Suliap suunerannik allaaserinninneq: ISIGINNAARTITSISARTUTUT INERIARTORTITSEQQINNEQ	36

AALLAQQASIUT

Ilinniarnep aqqissuussaananani inatsisitigut tunngavia tassaavoq isiginnaartitsisartutut ilinniartitaaneq pillugu Namminersorlutik Oqartussat nalunaarutaat nr. 11, 14. november 2011-meersoq.

Ilinniarnep aqqissuussaananut tunngatillugu ilinniakkamut tunngasunik allaaserisat ilanngussat ilaapput.

Ilinniarnep aqqissuussaananut ilassutitut ukiut tamaasa suliarineqartarput ilinniarnep quppersagaq, tassani ilinniakkat ataasiakkaat imaat allaaserineqartarlutik.

Ilinniartitaanermi oqaatsit atugaasut tassaapput kalaallisutoqaatsit, oqaatsilli allat atorlugit aamma ilinniartitsisoqarsinnaavoq.

1. Ilinniarnep kalaallisut, qallunaatut tuluttullu taaguutaa

Ilinniagaq piginnaatitsivoq kalaallisut taaguuteqarnissamut: Isiginnaartitsisartoq.

Ilinniagaq piginnaatitsivoq qallunaatut taaguuteqarnissamut: Skuespiller.

Ilinniagaq piginnaatitsivoq tuluttut taaguuteqarnissamut: Actor.

2. ECTS-imi sivirususiliineq

Ilinniagaq ECTS-pointinik 120-nik amerlassusilerneqarpoq, assigalugu ukiuni marlunni piffissaq tamaat atorlugu ilinniarnep.

3. Ilinnialernissamut piumasaqaatit ilinnialernissamullu akuersinermi periaaseq

3.1 Ilinnialernissamut piumasaqaatit

Ilinniagaqalernissamut piumasaqaataavoq qinnuteqartoq 18-inik ukioqalereersimassasoq aammalu ilinniagaqalerumalluni misilitsinnermi angusisimassasoq. Nunatta Isiginnaartitsisarfiata ilinniartussatut akuerisaanissaq aalajangertassavaa qinnuteqartup immikkut piginnaassuseqarnera, pisinnaasai pikkorissusaalu tunngavigalugit.

3.2. Ilinnialernissamut akuersinermi periaaseq

Isiginnaartitsisartutut ilinniarniarlutik qinnuteqartut akuersisartutut ataatsimiititaliap aaljangereerneratigut toqqarneqartassapput. Ataatsimiititaliaq suliamut ilinniarsimasunik pingasunik inuttarpoq, taakkulu

Nunatta Isiginnaartitsisarfiata inassuteqarnera tunngavigalugu Ilinniartitaanermut Naalakkersuisoqarfimmit akuerineqartassapput.

Ukioq allortarlugu amerlanerpaamik ilinniartut tallimat ilinniartunngortussatut akuerineqartassapput.

Ilinnialernissamut akuerineqarnissami misilitsinnerit marluk tunngavigineqartassapput:

1. Nammineerluni videoliaq minutsinik qulinik sivissusilik. Videoliap imarissavai isiginnaagassiamiit tigulaarineq, isiginnaartitsinermut ilinniartup toqqagai, erinarsuut nammineq toqqagaq kiisalu ilinniartup imminut ilisaritinnera.
2. Qinnuteqartut ingerlaqqittut aappasaanik misilitsinnermi isiginnaagassiamiit oqaloqatigiinnermik imalik taalliarlu sungiusarsimassavai, tamarmik isiginnaartitsinermut ilinniartup aqutsisuineq toqqakkat. Oqaloqatigiinnermik imalimmi inuttaasut ilaannik qinnuteqartoq toqqaassaaq. Misilitsinnermi oqaloqatigiinnermi inuttaasup aappaa atuarneqassaaq, oqaloqatigiinnerli taalliarlu qinnuteqartup alanngaarlugit oqaatigissavai.

Misilitsinnerit aappaat makkuninnga imaqassaaq:

- 1) Oqaloqatigiinneq
- 2) Taalliaq
- 3) Ilitsersuisumik suleqateqarneq
- 4) Timi atorlugu eqaarsarnerit uku takorusunneqarlutik: rytme, eqaassuseq, nukittussuseq, ataqatigiissaarisinnaassuseq il.il.
- 5) Torrutiinnarlugu takutitsinnaaneq
- 6) Aalajangiisussanik oqaloqateqarneq

Misilitsinnerit aappaanni qinnuteqartut tamarmik pereerpata, kikkut isiginnaartitsinermut ilinniartup akuerineqassanersut aalajaganeqassaaq. Misilitsinnerup kingornatigut kingusinnerpaamik ullut marluk qaangiuppata qinnuteqartut tamarmik akissuteqarfigineqassapput. Misilitsinnerit aappaata kingornatigut qinnuteqartoq akuerineqanngitsaq aalajangiisunik oqaloqateqarumasinnaavoq.

4. Siunertaq

4.1. Isiginnaartitsisartutut ilinniarnep nalinginnaasumik siunertaa

Nunatta Isiginnaartitsisarfata siunertaraa ilinniartunngortut ilinniartissallugit nammineerlutik pilersitsisinnaangortillugit. Isiginnaartitsinerup silarsuaani suliasat assigiinngitsut tunngaviatigut ilisimassallugit, isiginnaartitsisartut sulinerminni sulieraasiinik assigiinngitsunik pisinnaasaqartilissallugit, isiginnaartitseriaatsinut assigiinngitsunut pitsaalluinnartumik takutitsisinnaangortillugit.

4.2. Ilisimasatigut tunngaviusut

Isiginnaartitsisartutut ilinniarnemi ilisimasatigut tunngaviusut makkuupput:

- a) Isiginnaartitsisartutut ineriartormik suliaqarneq
- b) Suliaqartarnermit ilisimasat

4.3. Isiginnaartitsisartutut ilinniarnemi ilikkagaqarnermik pissarsiassanut anguniakkat

Ilinniarnep naammassinerani ilinniartup isiginnaartitsisartutut isiginnaartitseriaatsit assigiinngitsut, isiginnaartitsivimmilu atortorissaarutit atorlugit suliaminik takutitsisinnaassaaq. Ilinniartoq, ilinniarnemi naammassinerani, isiginnaartitsissummik nammineerluni akisussaaffigisaminik, allat isiginnaartitsisarfinni sulisut peqatigalugit suliaqarsinnaassaaq.

Ilinniartup isiginnaagassiami inuttaaffissani uku atorlugit takutissinnaassavaa: oqaasertai paasilluarnerisigut, qanoq sumilu pisoqarnera paasilluarneratigut, misiginneqasinnaanermigut. Taassumalu saniatigut ilinniartup nammineerluni ineriartortitsisinnaaneq ilisimasaqarfigissavaa. Isiginnaartitsisartutut ilinniarnemi pissarsiassatut tunngaviusumik anguniakkat pingasut suliarineqarput makkuusut:

- a) Ilisimasat paasinninnerlu
- b) Piginnaassutsit
- c) Pisinnaasaqarfiit

4.3.1. Ilisimasat paasinninnerlu

Ilinniakkap naammassereernerani ilinniartoq:

- Kulturikkut annertuumik ilisimasaqarneq najoqqutaralugu immikkuullarissumillu inuit aamma nunat inoqqaavisa oqaluttuarisaanerat pingaartillugu sulisinnaassaaq.
- Piffissaq nalaatani isummerfigisinnaassallugu sulinerminullu soqutiginninneq ilaatissallugu.

OBS!

Isiginnaartitsisartup periaatsitigut sakkuinik atuisinnaassaaq.

- Isiginnaartitsissummi inuttaaffigisassamut tunngasunik atuarsinnaassaaq paasiniaaqqissaarsinnaassallunilu, isiginnaartitsissummullu tamakkiisumut pingaarutaanik paasinnissinnaassalluni.
- Isiginnaartitsisartutut ineriartorteqqinneqarnissaani tunngaviumik ilisimasassanik atuisinnaassaaq.

4.3.2. Piginnaassutsit

Ilinniarnerep naammassereernerani ilinniartoq:

- Isiginnaartitsissummi inuttaaffigisassap timikkut piunasaqaataanik naammassinnissinnaassaaq.
- Isiginnaartitsissummi inuttaaffigisassami oqaloriaasia eqqorsinnaassallugu aamma isiginnaartitsisarfimmi najuuttunut tamanut tusaaneqarsinnaassaaq.
- Eqqarsaatnik, oqaatsinik, nipinik aammalu isiginnaartitsisarfimmi eqqarsartaatsikkut pigisanik timikkut atuilluni takutitsinnaassaaq.
- Isiginnaagassiaq tamaat isigalugu inuttaaffigisani timitalersinnaassallugu.
- Suleriaatsit assigiinngitsut filmi, isiginnaartitsisarfinni, raadiuumilu atorpeqartut sapissanngilai.
- Isiginnaartitsinerup aqqissuussaananut paasisimasaqarnermik takutitsinnaassaaq, taannalu aqqutigalugu isiginnaartitsissutip tamakkiisup inissimaneranik naliliisinnaassuseqarnermik takutitsinnaassaaq.
- Pissutsini pisuusaartitsiffiusuni isiginnaartitsisarfimmi uppernartunngortitsilluni takutitsinnaassaaq aammalu suleqatinut isiginnaartunullu tunngatillugu isiginnaartitsissummik oqaluttuarsinnaanermut akisussaassuseqarsinnaassaaq.
- Suleqatigiinnerup ingerlanerani peqataasut tamaasa angusaqarfiusumik attaveqatigiinnermik takutitsiffigisinnaassallugit misiliinerni isiginnaagassiallu takuteqattaarnerata ingerlanerani.
- Allat peqatigalugit eqqumiitsuliamik suliaqarnermi nammineerluni qanoq atorpeqarnissani paasillugulu eqqarsaatiginnissinnaassaaq, aammalu atuagarsornikkut periaatsitigullu eqqumiitsuliamik ingerlataqarnermi atorpeqarsimasut paasinnassallugit.
- Isiginnaartitsinerup ineriartortinneqarnerani periaatsinik atuisinnaassaaq.
- Isiginnaagassiami inuttaaffiup qanoq ittuuneranik ilinniaqatiminut aamma immikkut ittumik paasisimasaliunngitsunut tunniussaqaarsinnaassaaq.

4.3.3. Pisinnaasaqarfiit

Ilinniarnerep naammassereernerani ilinniartoq:

- Isiginnaartitsisartutut sulineq tunngavigalugu, isiginnaartitsisarfimmi ilinniarsimasutut sulinermut atatillugu, aammalu isiginnaartitsisarfimmi allanik ilinniagallit paasinniffigalugit soqutigalugillu, namminiussuseqarluni piunassuseqarlualunilu peqataasinnaassaaq.

- Allat peqatigalugit ilinniarsimasutut suliamik ingerlatseqataasinnaassaaq aammalu nammineq sulianik namminerlu akisussaassuseqarnermik ataqqinnissinnaassuseqassaaq.
- Nammineerluni isiginnaartitsisarfimmi suleriaasini paasinnissinnaassavaa, nalilersinnaassavaa ineriartortitseqqissinnaassallugulu.
- Ilisimasanik nutaanik, suliallu ilinniakkami iluani pisinnaasanik nutaanik pimoorussilluni ujarlersinnaassaaq kiisalu inuiaqatigiinnut tunngasuni eqqumiitsuliornermilu ineriartortitseqqinnermi pissutsinut sammivigeqqajaaneqartunut peqataasinnaassaaq.

5. MODULIT

Ilinniarneq modulinit makkununga agguataarneqarpoq:

Modul / ECTS				
	1. sem.	2. sem.	3.sem.	4. sem.
Kulturikkut oqaluttuarisaaneq aamma isiginnaagassiap ilusaa	2	2	2	1
Fysiodramatikki	4	4	4	4
Oqalunneq aamma nipi	3	3	3	3
Erinarsorneq/nipilersornermik isiginnaagassiaq	3	2	2	
Isiginnaartitsisartutut ineriartortitseqqinneq	1	1		
Ilinniakkat ataatsimoortillugit tunngavik	8	5		
Isiginnaartitsinermit tunngaviumik sungiusarneq	7	8	13	10
Ilinniarnermut atatillugu angalaneq aamma suliffimmik misiliineq			4	
Oqaatsit (kalaallisut aamma tuluttut)	2	2	2	2
Isiginnaartitsinerit		3		
Isiginnaartitseriaatsit filmimi, raadiuumi, isiginnaartitsisarfinni atuuttut sungiusarneri				1
Inaarutaasumik suliaq				9
ECTS katillugit	30	30	30	30

Immikkoortuni ataasiakkaani suliatigut ilinniagassat allaaserineqarput ilanngussaq 1-imi.

Sulianut ataasiakkaanut tunngatillugu allaaserineqarput:

- Anguniagaq
- Imarisai
- ECTS-imi annertussuseq
- Piffissamut tunngatillugu inissiineq
- Ilinniartitaanerit aamma suleriaatsit

Ilinniartitsinermut atatillugu allattarissatigut suliaqartarnissaq naatsorsuutigisariaqarpoq.

6. INAARUTAASUMIK SULIAMUT MALITTARISASSAT

Ilinniarnep semesteriisa sisamaata aallartinnerani ilinniartut inaarutaasumik suliassaminnut qulequtaq ataatsimoorussa qoqqassavaat. Ataatsimoorussap qulequttap tunngavigisinnaavaa manuskripti pioreersoq imaluunniit nammineq suliaasoq.

Manuskripti pioreersoq ilinniartut toqqassappassuk, inaarutaasumik suliaq sapaatip-akunneri qulit piffissaralugu piareersarlugulu naammassissavaat.

Manuskriptimilli ilinniartut nammineerlutik suliaqarnissartik toqqassappassuk, inaarutaasumik suliaq sapaatip-akunneri aqqaneq-marluk piffissaralugu piareersarlugulu naammassissavaat.

Inaarutaasumik suliaq isiginnaagassiat naliginnaasut takeqatigissavai, tasaanilu makku ilaassapput:

1. Isiginnaagassiap ilusilernerani ilitsersorneqarneralu
2. Isiginnaartitsiviup isikkusnaanik ilusililineq
3. Atortussat
4. Avammut paasisitsiniutit
5. Isiginnaartitsinermit atissat
6. Qullit
7. Nipi
8. Teknikkikkut suliat
9. Isiginnaagassiamik tuniniaaneq
10. Isiginnaartitsiartoqattaarneq

Isiginnaagassiamut ilinniartut nammineq akisussaasuupput, kisiannili kissaatigineqassappat inuussutissarsiutigalugu isiginnaartitsisartunit ikiortissarsiorsinnaapput. Suliassat nassataraat assigiinngitsunut tunngasunut akisussaaffeqarneq, taakkunungalugu akisussaaffinnut ilanngullugu ilinniartut ataasiakkaat inaarutaasumik suliamut isiginnaartitsisutut peqataanissaat piumasaqaataavoq. Inaarutaasumik suliamut ilaatillugu ilinniartut ikinnerpaamik illoqarfinnut nunaqarfinnulluunniit marlunnut angalaffigerusutaminut isiginnaartitsissummik angallassineq aqqissuutissavaat.

Inaarutaasumik suliaq kingusinnerpaamik juunip qaammataata naalernerani naggataarutaasumik nalilerneqassaaq.

7. NALILIINERMUT MALITTARISASSAT

Naliliinerup siunertaraa ilisimasatigut, piginnaassutsikkut pisinnaasaqarfitsigullu ilikkagassatut anguniakkat ilinniartup piukkunnassusaanut naapertuunnersut nalilissallugu. Tamatuma saniatigut naliliinerup siunertaraa:

- Ilinniartup suliffimmini aammalu ilinniakkamini inissisimanerata qaffasissuseqarneranik nammineerluni qanoq inissisimanerminik ilisimasaqarnerata annertusisinneqarnissaa.
- Ilinniartup ineriartoqqittuarnissaanut anguniagassanik suliaqarnissaaq.
- Ilinniarfiup ilinniartitsinerata ineriartoqqittuarnissaa pitsaassusiatalu qulakkeerneqartuarnissaa.

Isiginnaartitsisartutut ilinniarnermi soraarummeertoqarneq ajorpoq, naliliinerilli arlaqartut pisarlutik. Semesterip naammassinerani ilinniartup nalilerneqarnera pisarpoq, ilaaffigisat isiginnaagassiat isiginnaartitsissutillu toqqammavigalugit.

Naliliineq marlunnik immikkoortortaqarpoq: 1) Ilinniartup nammineerluni suliament eqqarsaatersuutai, aamma 2) Ilinniartitsisut aamma ilinniarnermi pisortap allakkatigut oqaatsillu atorlugit naliliinerat. Taakku imaraat ilinniartup suliap tungaatigut aamma pilersaarusianni/isiginnaartitsinerni peqataanermini il.il. ineriartornera. Naliliinermi aammattaaq ilanngunneqassapput ilinniartup ilinniarnermi ingerlanerani qanoq suleriaaseqarnissaanut tigussaasumik siunnersuineq.

Ilinniarfiup ilinniakkap tungaatigut ineriartornissamik piumasaqaataa ilinniartumit naammassineqanngippat, allaganngorlugu immikkut ittumik naliliisoqassaaq. Naliliinerit taamaattut arlalinngornerisa kingunerisinnaavaat ilinniartup ilinniarfimmit anisitaanera. Pissutsini immikkorluinnaq ittuni ilinniartoq ukiumik ataatsimik uteqqiinissamik neqeroorfigineqarsinnaavoq.

7.1. Naliliinerit assigiinngitsut

7.1.1. Semesterini naliliinerit

Semesterit naammassineqarneri tamaasa ilinniarfimmi pisortaq, klassimi ilinniartitsisoq allallu ilinniartitsisut naapittassapput ilinniartup ilinniakkamigut ineriartornerata aammalu qaffasissusaata inissisimaffia eqqartussallugu. Taassuma malitsigisaanik ilinniartup, ilinniarfimmi pisortap aamma klassimi ilinniartitsisup akornanni oqaloqatigiinnermi ilinniartoq nalileeqaarnermik paasitinneqassaaq.

7.1.2. Isiginnaagassianik naliliinerit

Isiginnaagassiaq/isiginnaartitsineq sioqqullugu imarisaa aamma isiginnaagassiami pineqartumi perorsaaniq anguniagaasoq nassuiarneqartassapput. Isiginnaagassiat toqqakkat takutereerneqarneranni, anguniakkatut aalajangikkat tunaartarlugit, ilinniartitsisut ilinniarfimmilu pisortaq ilinniartup suliaanik naliliissapput. Allatut isumaqatigiissuteqartoqarsimanngippat naliliineq oqaasiinnartigut pissaaq. Isiginnaagassiat ataasiakkaat ataatsimoortumik ataasiakkaartumillu naliliiffigineqassapput. Isiginnaartitsisartutut ilinniartunut tunngatillugu isiginnaagassianik naliliineq ilinniarnep semesteriisa sisamaanni isiginnaartitsinerit uiggiullugu pissaaq.

7.1.3. Ilinniarnerup qiteqqunnerani naliliineq

Semesterit aappaata naammassinerani - ilinniarnerup qiteqqunneraniittumi - naliliineq pissaaq. Naliliinermit peqataassaaq censori avataaneersoq, Kultureqarnermut Naalackersuisoqarfimmit akuerineqarsimasoq. Naliliineq allakkatigut pissaaq, inaarutaasumik suliamut uppersaammullu kakkunneqassalluni.

7.1.4. Inaarutaasumik suliamik naliliineq

Ilinniarnerup naammassineqarnerani naliliineq pissaaq Kultureqarnermut Naalackersuisoqarfimmit akuerineqartumik censorimit avataaneersumit peqataaffigineqartumik. Naliliineq allakkatigut pissaaq, inaarutaasumik suliamut uppersaammullu kakkunneqassalluni.

7.1.5. Isumaliutiginninneq paasissutissiinerlu

Ilinniarnerup ingerlanerani ilinniartup allattariarsorluni suliat arlaqartut tunniutissavai. Suliat tamakkua ilaat ilinniarfimmi pisortamit, ilinniarnerup ingerlanerata naammassineqartutut anguneqartutullu isigineqalinnginnerani, akuerineqaqqaassapput.

Naliliinerit nalilersuinerillu taaneqartut saniatigut ilinniartoq ilinniartitsisunit aamma ilinniarfiup pisortaanit ingerlaavartumik ilitserorneqartassaaq.

8. INAARUTAASUMIK SULIAMUT UPPERNARSAAT

Nunatta Isiginnaartitsisarfiata ilinniarnerup naammassineqarneranut uppersaata suliarissavaa. Tassani ilaatinneqassapput ECTS-pointit, immaqalu ilinniakkanut allanut ingerlaqqiffiusinnaasortai, immaqalu naliliinermit oqaatsit atorineqartut aammalu ilinniakkap kalaallisut, qallunaatut tuluttullu taaguutaa. Uppersaammut ilanngunneqassaaq tuluttut oqaatsit atorlugit ilanngussaq Diploma Supplement. Taakku saniatigut ilanngunneqassapput ilinniakkap qiteqqunnerani aamma naammassineqarnerani allakkatigut naliliinerit.

9. ILINNIAKKAP INGERLAQQISSUTAASINNAANERANUT MALITTARISASSAT

Isiginnaartitsisartutut ilinniarnerup modulii ataasiakkaat aaqquissunneqassapput ilinniarsimasat danskit imaluunniit nunani allamiut isiginnaartitsisartutut ilinniagaannut ingerlaqqissutaasinnaangorlugit.

Nunat allat isiginnaartitsisartutut ilinniarfiinni angusiffiusimasut Nunatta Isiginnaartitsisarfiata akuersissuteqareerneratigut pisuni ataasiakkaani ilinniarfiup moduliini ilinniagassanut naligitillugit taarsiunneqarsinnaapput.

10. ILINNIARTUT INATSISITIGUT ATUGASSAAT

Qinnuteqartup ilinnialernissamut misilitsinneq angusisimaguniuk, ilinniartutut isumaqatigiissut atsiussavaa, makkuninnga imalik:

- pinngitsoorani peqataanissamik piumasaaqat
- takkutinnngitsoornermi peqqutaasunik ilisimatitsinissamut piumasaaqat
- mianersoqqussutunik tunniussinerit
- ilinniarnermut isumaqatigiisummik atorunnaarsitsisinnaaneq

Ilinniarnermut isumaqatigiissutip atsiornertigut qinnuteqartup isiginnaartitsisartutut ilinniarnermi piumasaaqatit akuerissavai.

Ilinniartuq atuarfimmit anisinneqarsinnaavoq:

- ilinniakkami iluani ineriartunngikkuni
- peqquteqarani takkutinnngitsoortaruni
- ilinniarfimmi atortunik aserorteriguni imaluunniit allatut nukersorluni pissusilersoruni

Anisitaaneq taamaallaat pisinnaavoq tamanna sioqqullugu ilinniartuq ataasiarluni oqaasiinnakkut mianersoqqusummik tunineqarsimappat, tullianilu allakkatigut mianersoqqusummik malitseqartumik, pissutsinullu iluaqutaasimangippat. Atuarfimmili atortunik aserorterisimaneq imaluunniit allatut iliorluni nukersornermik pissusilersorneq ingerlaannaq peersitaanermik kinguneqassaaq.

Anisinneqarnermut aalajangiineq nalunaarfigineqarnerup tiguneqarneraniit kingusinnerpaamik sapaatip-akunneri sisamat qaangiutsinnagit Kultureqarnermut Naalakkersuisoqarfimmut naammagittaalliutigineqarsinnaavoq.

11. IMMICKUT AKUERSISSUTEQARTARNEQ

Nunatta Isiginnaartitsisarfia Ilinniarnermik aaqquissuussinermi malittarisassanut tunngatillugu, taamaallaat malittarisassanik ilinniarfimmit aalajangersarneqarsimasunik, immikkut akuersissuteqarsinnaavoq.

ILANNGUSSAQ 1: SULIAT SUUNERANNIK NASSUIAATIT

SULIAP SUUNERANIK ALLAASERISAQ: KULTURIKKUT OQALUTTUARISAANEQ AAMMA ISIGINNAAGASSIALERINEQ

Anguniagaq:

Moduli Kulturikkut oqaluttuarisaaneq aamma isiginnaagassialerineq naammassineqarpat ilinniartog:

- Kulturikkut ilisimasaqarneq najoqqutaralugu immikkuullarissumik inuit aamma nunat inoqqaavisa oqaluttuarisaanerit pingaartillugu sulisinnaassaaq.
- Isiginnaagassiami inuttaaffigisassaq qanoq ittuunersoq paasiniaaqqissaarfigisinnaasavaa, isignaagassiarlu tamakkerlugu isigalugu inuttaaffimmi qanoq inissisimanagera pingaatigeneralu isiginnaagassiamik atuarnikkut paasisinnaassavaa.
- Ilinniakkani isiginnaartitsisartutut ineriartuutigisinnaassavai, isiginnaartitsinermilu atorsinnaassallugit.

Imarisai:

Eqqumiitsulialerinermit isiginnaagassialerinermit ilisimasaqarluarnissaq anguniarlugu makkunatigut suliaqartoqassaaq:

- Kulturikkut oqaluttuarisaaneq ataatsimut isigalugu allannguutaasarsimasullu suuneri.
- Pisimasut allannguutaasut isiginnaartitsisarnermilu ineriartortinneqarneranik allanngortitsisimallutilluunniit sunniisimasut
- Isiginnaartitseriaatsit
- Isiginnaartitsineq ilitsersuinerlu
- Isiginnaartitsisarfiit aaqqissuussaanagerat, isiginnaartitsisarfiup isikkussaanik ilusiliineq aamma teknikki
- Ukiuni ataqatigiikkaani assigiinngitsuni eqqumiitsuliornikkut ersiutit, tunngatillugit piffissap ingerlanerani inooqatigiinnermut, isumaliortaatsip oqaluttuarisaanageranut politikikkullu sammivinnut
- Isiginnaartitsinikkut oqaluttuariaatsit: ilaallutik Aristotelesip isumaliutaanut sammisut, oqaluttuarpalaartut torrutiinnakkat
- Isiginnaagassiat ilusaat aaqqissuunnerilu
- Oqaluttualiaq, iliuutsit peqqutaat anguniagaallu, ajortisaarinerillu siunertaat

- Oqaasertaasut silarsuaat (piffissaq, sumiiffik, ilisarnaat, tunuliaqut)
- Isiginnaagassiami inuttaaffik/suuneranik misissueqqissaarneq
- Ilisiginnaartitsisartutut ineriartornerup imarisai qanorlu

ECTS:

	1. semester	2. semester	3. semester	4. semester	I alt
KULTURIKKUT OQALUTTUARISAANEQ AAMMA ISIGINNAAGASSIALERINEQ	2	2	2	1	7

Ilinniartitseriaatsit suleriaatsillu:

- Ilinniartunut saqqummiussinerit
- Eqimattakkaanik ilinniartitsisulerlugit atuartitsineq
- Ilinniartut saqqummiinerat
- Piareersarneq
- Isiginnaagassianut assigiinngitsunut tunngasunik ataasiakkaanut ilitsersuineq siunnersuinerlu

SULIAP SUUNERANIK ALLAASERINNINNEQ: TIMI ATORLUGU ISIGINNAARTITSINEQ (FYSIODRAMATIK):

Anguniagaq:

Moduli Timi atorlugu isiginnaartitsineq naammassineqarpat ilinniartooq:

- Suleriaatsinik assigiinngitsunik immikkoortitsisinnaassaaq, ilanngullugit isiginnaartitsissutissap suliarinerani eqqarsartaatsikkut periaatsit aamma timikkut periaatsit immikkoortinneqarnissaat.
- Timip isiginnaartitsinermi atortorisinnaanerani annertuumik ilisimasaqarnermik takutitsisinnaassaaq.
- Isiginnaartitsissutip inuttaaffigisap piunasaqaataanik timi atorlugu takutitsisinnaassaaq.
- Timi atorlugu oqaluttuamik oqaluttuareqqiisinnaassaaq.
- Isiginnaartitsinermi teknikkikkut aammalu isiginnaartitsinermik piginnaasanik nammineq pigisanik kissassernermi, sungiusarnermi ataavartitsinissamillu annertoorujussuarmik pisinnaasaqarnermik takutitsisinnaassaaq.

Imarisai:

Sammissaq Timi atorlugu isiginnaartitsineq ingerlanneqarpat misiliisarlu atuagarsorlunilu makku sammineqassapput:

- Inuup sananeqaataanik, biomekanikkimik aamma timip pisataasalu sulisinnaanerannut tunngatillugu tunngaviusumik ilisimasassat
- Nukinnik sukatsineq/- qasukkartitsineq
- Piareersaqqaarani takutitsineq
- Malussarinneq
- Timikkut periataallaqqissuseq
- Timip tarnillu ataqatigiinnerat
- Timip nipillu ataqatigiinnerat
- Timip inimut sunniuttarnera
- Tillernermit malussarinneq naalaarluarsinnaanerlu
- Timip oqaatigisaanik paasiniaaqqissaarneq aammalu timip oqaatigisaanik takutitseqqissinnaaneq / issuaasinnaaneq

- Timip assigniinggiaanik tullerriaakkanik aalatissinnaanera – taamatullu takusanut issuaasinnaaneq
- Suleqammut attaveqarneq
- Isiginnaartitsinermi atisanik atortunillu atuisinnaaneq
- Isiginnaartitseriaatsit assigniinggissusaat takusinnaallugulu paasisinnaassavaa

Timi atorlugu isiginnaartitsinerup saniatigut ilinniartitsissutigineqassapput qilaatersorneq, uaajeerneq aamma kalattuut.

ECTS:

	1. semester	2. semester	3. semester	4. semester	I alt
TIMI ATORLUGU ISIGINNAARTITSINEQ	4	4	4	4	16

Ilinniartitseriaatsit suleriaatsillu:

- Ilinniartitsisoqarluni eqimattanut atuartitsineq
- Ilinniartitsisoqarluni ataasiakkaanik atuartitsineq
- Ataasiakkaarluni eqimattakkaarlunilu sulineq
- Sulianut atatillugu ataasiakkaanut ilitsersuineq
- Isiginnaartitsissusiamut atatillugu piareersarneq
- Timi atorlugu isiginnaartitsissusianik suliaqarneq
- Tiimit ammasut

SULIAP SUUNERANIK ALLAASERINNINNEQ: OQALUNNEQ NIPILU

Anguniagaq:

Moduli Oqalunneq nipilu naammassineqarpat ilinniartog:

- Oqaatsit isiginnaagassiami inuttaaffigisap piumasarisaanut sapersassanngilaq inimilu isiginnaartitsiffiusumi tamanut paasinarluliorluni oqalussinnaassalluni.
- Ersarissumik nukinilu atorluarlugit oqalussinnaassaaq uppernassuseqartumik isiginnaartitsisinnaassalluni.
- Eqqarsaatit, oqaatsit nipilu sakkugalugit isiginnaartitsisarfimmi uppernartumik takutitsisinnaassaaq.
- Nipimik atuisinnaassuseqarnermi kissasserneq, sungiusarneq, paarsilluarneq ineriartornerlu eqqarsaatigalugit piginnaassuseqarluartutut ilisimaarineramik takutitsisinnaassaaq.
- Nipimik oqalunnermillu atuilluarsinnaassaaq piukkunnassuseqartumik isiginnaartitsineramik pilersitsisinnaassalluni kiisalu takutitsinerup pissusaanut takutitsiffiusumullu oqalunnerup nipillu atornerat tulluarsarsinnaassallugu.
- Oqaluttuanik taallanillu atuaasinnaanermik piginnaasaqassaaq.
- Oqaloriaatsinik tamanik atuisinnaaneq aammalu isiginnaagassiami oqaasertanik, taallanik oqaluttuanillu uummaarissumik saqqummiussisinnaassaaq.

Imarisai:

Moduli oqalunneq nipilu makkuninnga imaqarpoq:

- Anersaartorneq
- Nipip timimut atanera
- Oqalunnermi piumasarisat assigiinngitsut:
 - Oqaatsinik taalluaasinnaaneq- oqariaatsit immikkoortissinnaassallugit
 - Sukkassuseq unitsiartarnerillu
 - Nipip sakkortussusaa aamma pingaassusillit erseqqissarnerat
 - Nipip allanngorarnera
 - Nipigissarneq
- Versiliornermik ilinniutit
- Oqaatsinik ilisimaarinnineq
- Allatat pissusaat uuttuutillu

- Allatanik nassuiaatit
- Saqqummiussineq

ECTS:

	1. semester	2. semester	3. semester	4. semester	I alt
OQALUNNEQ NIPILU	3	3	3	3	12

Ilinniartitseriaatsit suleriaatsillu:

- Ataasiakkaanik ilinniartitsineq
- Eqimattanik ilinniartitsineq
- Ataasiakkaanut suliasat
- Piareersarneq
- Tiimit ammasut
- Suliat ingerlanneqarneranni ataasiakkaanut ilitsersuineq

SULIAP SUUNERANIK ALLAASERINNINNEQ: ERINARSORNEQ NIPILERSUKKANILLU ISIGINNAARTITSINEQ

Anguniagaq:

Moduli Erinarsorneq nipilersukkanillu isiginnaartitsineq naammassineqarpat ilinniarteq:

- Nipilersoriaatsit assigiinngitsut suliarinissai sapinnginneqqassapput
- Oqaluttuaq, oqaasertat, nipilersornerlu aqqutigalugit saqqummiussisinnaassaaq, nipilersornertalimmik isiginnaartitsinermi nipip sunniutaanik ilisimaarinnissalluni eqqumaffiginnissallunilu.
- Suliaminik ingerlatsinermini qaffakkiartornermini nipiminik paarsilluassaaq ineriartortitseqqissallunilu.

Imarisai:

Moduli erinarsorneq nipilersukkanillu isiginnaartitsinerup imarai kisimiilluni erinarsorneq aammalu nipip kissassernera uteqattaarinerlu. Timip nipillu qanoq piginnaaneqartigineri erinarsorluni nipilersorlunilu

isiginnaartitsineq eqqarsaatigalugu eqeersarneqassapput misliisarnikkut atuagarsornikkulluunniit. Modulimi sammineqarput tunngaviumik tassunga tunngassuteqartut makku:

Atuuffii:

- Inuup sananeqaataanik tunngaviatigut ilisimasaqarneq
- Timip nappaarinissaa, anersaartorneq, nipip aqunnissaa
- Erinnamik appiineq, nipip sakkortuumik anissinnaanera
- Angusinnaasamik akisuanermillu ilisimaarinnineq
- Qanoq nipeqarsinnaassuseq, assigiittumik nipimik aqutsinnaassuseq, nipittoriarsinnaassuseq, sukkatseriataarsinnaassuseq
- Nipikkut oqaasertatigullu ersarissisitsineq

Nipilersornikkut piginnaaneqarneq:

- Erinnamik aamma oqaasertanik pingaarnersiuneq
- Rytmemik malussarissuseq
- Erinnamik rytmemillu allangortitsisinaaneq
- Appinneq
- Inuttassap uumassusilernissaa
- Nipilersukkani inuttassap ineriartortissinnaanera
- Misigittassuseq aamma inuttut paasinnineq

ECTS:

	1. semester	2. semester	3. semester	4. semester	I alt
ERINARSORNEQ NIPILERSUKKANILLU ISIGINNAARTITSINEQ	3	2	2	0	7

Ilinniartitseriaatsit suleriaatsillu:

- Ataasiakkaanut ilinniartitsineq
- Eqimattakkaanut ilinniartitsineq
- Ataasiakkaarluni sulineq
- Piareersarneq

- Tiimit ammasut
- Annikinnerusumik suliaqartarneq takutitsinertalik
- Suliap ingerlanerani ataasiakkaanut ilitsersuineq

SULIAP SUUNERANIK ALLAASERINNINNEQ: ISIGINNAARTITSISARFIUNNGITSUNI ISIGINNAARTITSERIAATSINUT SUNGIUSARNEQ

Anguniagaq:

Moduli isiginnaartitsisarfiunngitsumi isiginnaartitseriaatsinut sungiusarneq naammassineqarpat ilinniartup:

- Radiuukut, filmimi, filmimut oqaasertalersuinermit suleriaatsit assigiinngitsut sapissangilai.
- Isiginnaartitseriaatsini qulaani taaneqartuni inuttaanissani sapissanngilaa.
- Qulaani taaneqartut suleqatigalugit oqaluttualioqataasinnaassaaq.
- Qulaani taaneqartut qanoq suleriaaseqarnerinut ilisimasaqassaaq, taakkunanilu sulinissamut qanoq periarfissaqarnerisooq ilisimassavaa.

Imarisai:

Isiginnaartitsisarfiunngitsuni isiginnaartitseriaatsinut sungiusarnerup makku sammissavai aammalu immikkut ilisimasaqartunit avataaneersunit ingerlanneqassallutik. Filminut pikkorissartitsinerit ingerlanneqassapput ilinniagalittut ilinniartitsisut aammalu allat suliassaqarfimmut toqqakkat suleqatigalugit.

Radio: Mikrofonip nalinginnaasumik atorsinnaanera, Radioteaterip oqaluttuassartaanik atuagarsornikkut ilisarititsineq, tusarnaagassiat soqutigintartut, saqqummeeriaatsit nutaaliaasut, oqaasertanik misissueqqissaarneq aamma isiginnaartitsinermit ingerlariaatsit.

- Avammut saqqummiussineq/atuffassineq.
- Filmini oqaasertaannaanik immiussineq aammalu nipaannarmik immiussineq (speak).
- Filmi: Suleriaatsit, filmikkulioriaatsit, assiliisummik ilisimaarinnineq, filmit oqaluttuassartaat, inuttassarsiornermit periaatsit, misiliisajorneq/sungiusarneq, filmimut immiussinerit.

ECTS:

	1. semester	2. semester	3. semester	4. semester	I alt
ISIGINNAARTITSISARFIUNNGITSUNI ISIGINNAARTITSERIAATSINUT SUNGIUSARNEQ	0	0	0	1	1

Ilinniartitseriaatsit suleriaatsillu:

- Ilinniartitsisoqarluni eqimattanut ilinniartitsineq
- Workshops siunnersortimik ilalerlugit
- Ataasiakkaanik nalilersuinerit

SULIAP SUUNERANIK ALLAASERINNINNEQ: SULIANUT TAMANUT TUNNGAVIK

Anguniagaq:

Moduli Suliat tamanut tunngavik naammassineqarpat ilinniartup uku nalussanngilai:

- Ukiup ilinniarfiusup siulliup kingorna qanoq isiginnaartitsisarfik ataatsimoorussamik eqqumiitsulioriaatsitut ilusilersorneqartarnersoq paasisimasaqarfigilersimassavaa aammalu isiginnaagassiornermi suut assigiinngitsut aqquataassanersut suliaasaanersullu nalussanagu.
- Ukiup ilinniarfiusup siulliup ingerlanerani suleriaatsit assigiinngitsut ingerlassimassavai, makkuninnga imallit: takorluuisinnaaneq, isiginnaartitsiviup qanoq timitaqarneranut malussarinneq, timip nukiillu aqussinnaalluarnerat suleriaatsit assigiinngitsut atorlugit sungiusarneqassapput, soorlu: Penka, Stanislavskij, torrutiinnarlugu sulineq. Isiginnaartitsisartoqatigiit ilaattut sulineq ataatsimoorussamillu suleqatigiissinnaaneq sungiusassavaa, qullilerineq, isiginnaartitsiviup isikkusnaanik ilusiliineq nipitalersuinerillu ilisimasaqarfigissavai.

Imarisai:

Ingerlatsinerup iluani makku sammineqassapput:

- Sulianik ingerlatsinermut ilisimasaqarneq
- Suleqatigiilluni sulineq
- Isiginnaartitsifissamut malussarinneq
- Oqaatsit ataatsimoorussat
- Nalileeriaatsimut paasinnineq
- Isiginnaartitseriaatsinut assigiinngitsunut paasinnineq
- Najooqutassiamik ataatsimoorullugu ineriartortitsineq

Sulianut tamanut tunngavimmut ilaapput: Tunngaviit ataatsimoorussat, Juullimut isiginnaartitsinerit, Ingerlatat ataatsimoorussat. Moduli semesterit siulliannut aappaannullu inissinneqarpoq, tunngaviliisuullunilu modulini annertunerusuni suliata ataatsimoortillugit ingerlanneqartussanut: Isiginnaartitsinerit aamma Inaarutaasumik suliaq.

ECTS:

	1. semester	2. semester	3. semester	4. semester	I alt
SULIANUT TAMANUT TUNNGAVIK	8	5	0	0	13

Ilinniartitseriaatsit suleriaatsillu:

- Eqimattanik ilinniartitsineq
- Eqimattanut suliamik sungiusarnerit
- Takutitsinerit
- Piareersarneq

**SULIAP SUUNERANIK ALLAASERINNINNEQ: ISIGINNAARTITSINERUP
TUNNGAVIUSUMIK TEKNIKKIA**

Anguniagaq:

Moduli Isiginnaartitsinerup tunngaviusumik teknikkia naammassineqarpat ilinniartuq:

- Nammineq suliaqarfiup iluani sulinikkut periaatsinik suleriaatsinillu annertuumik ilisimasaqarnermik takutitsisinnaassaaq.
- Isiginnaartitsisarvimmi isiginnaartitsinermik takorluuisinnaassutsimillu takutitsisinnaassaaq.
- Suleqatigiinnikkut, isumassarsisitsinikkut aammalu ilitersuisumik suliasaqarfinnilu allani sulisunik peqateqarnikkut oqaatsit paasinnittaatsillu assigiissut atorlugit attaveqateqarsinnaassaaq.

Imarisai:

Modulimi misiliisarnermik atuagarsornermillu sulisoqassaaq, ilaatigut aallaavigalugu Stanislavskip atuakkiaa *Metoden for fysiske handlinger* (Timikkut iliuutsinut periaatsit). Modulimi aamma sammineqassapput Dialoger og Realisme (Oqaloqatigiinnerit Piviusorsiususerlu), kinaassutsip takutitassap katitigaaneranut piunasaqaatinik sakkortusaasoq. Oqaloqatigiinnerit tassaasinnaapput inuit arlallit akornanni oqaloqatigiinnerit. Oqaloqatigiinneq aamma allatut ingerlanneqarsinnaavoq oqaatsit paasinartut atunngikkaluarlugit, inuilli arlallit akornanni, naak isiginnaartitsisartoq ataasiinnaq oqaloqatigiinnermik ingerlatsigaluartoq. Oqaloqatigiinnerup ingerlanneqarnera ilinniartut paasiniaqqissaarsinnaasariaqarpaat: Qanoq oqartoqarpa, suna taanngilaa, sooq taanngilaa, sooq oqaatigineqarpa, sooq oqaatigineqanngila, sooq oqaatigineqarpa, sooq maannakkut oqaatigineqarpa, qanorlu oqaatigineqarpa il.il. – tassa oqaatiginiakkap oqaasertalernagu qanoq oqaatigineqarnera. Suliaq tamanna aallaavigalugu anguniagaavoq oqaloqatigiinneq uppernassuseqartoq, oqaloqatigiinneq piviusorsioortoq. Oqaloqatigiinneq piviusorsioortoq ingerlatissallugu piginnaasaqarfigileraanni, tamanna isiginnaartitseriaatsinik nalunarnerusunut piginnaaneqarnermut aallaaveqalersitsissaaq, takutitseriaaseq ataasiinnaq atorlugu sulineq, ulluinnarsiorpalaanngitsumik takutitseriaaseq, oqaasertaqanngitsumik takutitseriaaseq, quisaarutaasumik takutitseriaaseq il.il. Modul 2-mi aamma uaajeernej aammalu Europamiut klovnitut periaasiat, Inuit oqaluttuariaasiat sammineqassapput. Modulit makkuninnga sammisaqarfiupput:

- Isiginnaartitsivimmi iliuuseqarnej
- Pisimasut iliuutsillu aaqqissuussaanerat
- Pissutsit aamma anguniakkat
- Inuttaaffigisassamik paasinnissinnaaneq timitaliisinnaanerlu
- Isiginnaartitseriaatsinik ilisimaarinninneq
- Timi inilu atorlugit piareersaqqaarani iliuuseqarnej
- Sungiusaateeqqanik sammisaqarnej
- Isiginnaagassiap katiterneqarnera
- Suleqatigisamut attaveqarnej
- Isiginnaartitsissutinik annikinnerusunik piviusunngortitsineq

- Atuffassineq oqaatsillu sakkutut: Paasiniaaqqissaarneq, rytme, unillatsiartarneq, tunngaviliineq nikeriarsinnaanerlu
- Isiginnaartitsinermi ussersornerup atuunera
- Pissutsinik ersersitsinerup silarsuaa
- Klovnitut sungiusarnerit kiinarpaallu affakut
- Timikkut oqaatsitigullu takutitseriaatsimik paasinnineq
- Isiginnaartitsinermi atisat, kiinnamut tarnutit, kiinarpaat atortussallu

ECTS:

	1. semester	2. semester	3. semester	4. semester	I alt
ISIGINNAARTITSINERUP TUNNGAVIUSUMIK TEKNIKKIA	7	8	13	10	38

Ilinniartitseriaatsit suleriaatsillu:

- Eqimattakkaanut ilinniartitsisulerluni ilinniartitsineq
- Workshopit
- Ataasiakkaanik ilitsersuineq
- Piareersarneq
- Allattarissanik suliasat
- Takutitsinerit
- Ataavartumik naliliinerit

SULIAP SUUNERANIK ALLAASERINNINNEQ: ISIGINNAARTITSINERIT

Anguniagaq:

Ilinniarnep ukuiata siulliup naalernerani ilinniartut nammieerlutik isiginnaartitsissusiaminnik suliaqarnissaanni anguniagaavoq ilinniartut piviusumik misiliinissaat makkunatigut pissarsiarisimasaminnik tunngaviusumik isiginnaartitseriaatsinik, sulianut tamanut tunngavik, isiginnaartitsisartutut siuariartornermi suliaqarnermik, isiginnaagassialerinermik, timi atorlugu isiginnaartitsinermik, oqalunnermik nipimillu atueriaatsit aamma immaqalu erinarsoriaatsinik.

Imarisai:

Ilinniarnep ukuiani siullermi ukiumoortumik misilitsinneq minutsinik 30-45-nik sivilissuseqassaaq, meeqqanullu isiginnaagassiamik imaqaqqunarluni. Isiginnaartitsissutip aallaavigissavaa oqaluttuaq, siusinnerusukkut isiginnaagassiarineqarsimangitsoq imaluunniit isiginnaartitsisarfimmi takutitassatut

siusinnerusukkut takorluukkersaarutaasimanngitsoq, taamaalilluni isiginnaagassialiorneq ilinniarneqaqqullugu.

Isiginnaagassiat suliarineqartarnerisa ilisarnaatigaat ilikkagassaqaarfiit makku:

- Suleqatigiinnermik aamma sulinermi attaveqatigiittarnermik misiliineq
- Isiginnaagassialerinermik / oqaasertaliortarnermik misiliineq
- Ilisimasani piginnaasanillu immikkut sammiveqartunik ataatsimoortitsineq atuinerlu
- Suliamik ingerlatsineq
- Najoqqutassialerinermik suliaqarneq
- Inuttassamik timitaliineq
- Sammisassani kinaassutsinilu itisiliineq
- Eqqarsaatiginneqqissaarneq naliliinerlu

ECTS:

	1. semester	2. semester	3. semester	4. semester	I alt
ISIGINNAARTITSINERIT	0	3	0	0	3

Ilinniartitseriaatsit suleriaatsillu:

- Ataasiakkaanik ilitsersuineq
- Takutitsinerit
- Piareersarneq / misissuineq
- Allattarissanik suliassat

SULIAP SUUNERANIK ALLAASERINNINNEQ: ILINNIARNERMUT ATATILLUGU ANGALANEQ AAMMA SULIFFIMMIK MISILIINEQ

Anguniagaq:

Ilinniarnermut atatillugu angalaneq aamma suliffimmik misiliineq naammassineqareepata ilinniartoq:

- Nammineersinnaassuseqassaaq aamma nammineq suliassaqarfimmi iluani isiginnaartitsisarfimmi suleqataasinnaassaaq, isiginnaartitsisarfimmilu sulianik allanik ingerlatallit suliampilu ataatsimut ingerlatseqatigiit suliaat pillugit ilisimasaqassaaq soqutiginnissallunilu.
- Nunatsinni nunanilu allani isiginnaartitsisartunut isiginnaartitsisarfinullu attaveqarnini takutissinnaassavaa, taamaaliornermigullu suliffittaarnissaminut periarfissaminik pitsanngorsaasimassalluni.

Imarisai:

Isiginnaartitsisartutut ilinniagaqartut suliamik misiliisarnerat tunngaviatigut semesterit pingajuanni inissinneqarpoq, ilinniarnermulli atatillugu paasisassarsiorluni angalanerit piffissanut assigiinngitsunut inissinneqarsinnaallutik. Ilinniartut ilaat avataani sulinermik misiliinissaminut periarfissarsisimangippata, Nunatta Isiginnaartitsisarfiani atuarnermut atatillugu misiliisarnermik aaqqissuussisoqarsinnaavoq. Atugassarititaasut makkuupput:

- Suliffimmik misiliineq ingerlanneqassaaq isiginnaartitsisarfimmi ilinniarsimasunik ingerlanneqartuni.
- Ilinniartup akisussaaffigaa misilitsinnermi tamakkiisumi aammalu isiginnaagassiap sivissusiani tamakkiisumi isiginnaartitsissummi mikinerusumi inuttaanissaq.
- Avataaneersumi suliamik misiliinissamut naleqquttumi sungiusarfissamik pissarsisoqangippat, Nunatta Isiginnaartitsisarfiani isiginnaartitsinnermi peqataasinnaavoq, tak. suliamik misiliineq.
- Suliamik misiliineq nalinginnaasumik sivissususeqarpoq sapaatip-akunneri 9 -11.
- Suliamik misiliineq pillugu allakkatigut nalunaarusiorneq pissaaq.

ECTS:

	1. semester	2. semester	3. semester	4. semester	I alt
ILINNIARNERMUT ATATILLUGU ANGALANEQ AAMMA SULIFFIMMIK MISILIINEQ	0	0	4	0	4

Ilinniartitseriaatsit suleriaatsillu:

- Piareersarnej / misissuineq
- Ataasiakkaanik ilitsersuineq
- Eqqarsaatiginneqqissaarnej naliliinerlu

SULIAP SUUNERANIK ALLAASERINNINNEQ: OQAATSIT

Anguniakkat:

Moduli Oqaatsit naammassineqarpat ilinniartoq:

- Kalaallisut oqallorissuussaaq
- Kalaallit sumiorpalussusaannik ilisimasaqarluartuussaaq
- Tuluttut paasinnissinnaallunilu paasineqarsinnaassaaq

Imarisai:

Modulip Oqaatsit imarai Inuit kulturiata oqaluttuarisaanera, Inuit oqaluttuaataat oqaluttuaatitoqaallu. Kalaallit Nunaata qeqqani kalaallit oqaasiinik ilinniarluarsimasunik ilinniartitsisoqarluni atuartitsisoqassaaq. Tamakku saniatigut sumiorpalussutsinik ilinniartitsisoqarsinnaavoq.

Pisariaqartitsineq naapertorlugu tuluttut oqaatsinik ilinniartitsisoqarsinnaavoq, taamaalilluni ilinniartoq tuluit suliamut taaguutaannik ilisimasaqalerluarniassammat. Ilinniartoq tuluttut allanik atassuteqarnissaminut oqaatsitigut taamaalilluni sakkussaqalissaaq.

ECTS:

	1. semester	2. semester	3. semester	4. semester	I alt
OQAATSIT	2	2	2	2	8

Ilinniartitseriaatsit suleriaatsillu:

- Oqalugiarnarit
- Ilinniartut saqqummiinerat
- Piareersarneq
- Oqaatsinut tunngasumik ataasiakkaanut ilitsersuineq

SULIAP SUUNERANIK ALLAASERINNINNEQ: INAARUTAASUMIK SULIAQ

Anguniagaq:

Inaarutaasumik suliaq naammassineqareerpat ilinniartuq:

- Suleqateqarluni suliamik ilinniarsimasutut ingerlatsisinnaassaaq aammalu suliap taassuma ingerlanerani nammineq pisussaaffimminik paasinnillunilu ataqqinnissaaq.
- Nammineersinnaassuseqassaaq aamma nammineq suliassaqarfimmi iluani piukkunnassuseqarluartumik isiginnaartitsisarfimmi suleqataasinnaassaaq, isiginnaartitsisarfimmilu sulianik allanik ingerlatallit suliaannik ilisimasaqassaaq soqutigisaqassallunilu.
- Nammineerluni inuttut isiginnaartitsisarfimmi takutitseriaatsiminik suleriaatsiminillu peqassaaq, naliliisinnaassaaq ineriartortitseqqissinnaassallunilu.

Imarisai:

Inaarutaasumik suliami anguniagaavoq klassip naammassisup tamanut ammasumik takutinneqartussamik isiginnaartitsissummik pilersitsinissaa.

Nunatta Isiginnaartitsisarfiata immikkut ilisimasaqassuseq pigisani atorneqarsinnaatissavaa. Tassaasinnaapput inuit aningaasaqarnermik, avammut paasisitsiniutinik/ tuniniaanissamik suliniutinik, qullilersuinernik, nipitalerineramik, ilitsersuinernik, isiginnaartitsiviup isikkusaaq ilusiliineramik, atisanik ilusilersuinernik, atortussaliornermik, isiginnaartitsiviullu tuniniaaveqarfianik suliarinnittartut. Ilinniartut isiginnaartitsissutigerusutaminnik toqqaassapput, inuussutissarsiutigalugulu isiginnaartitsisartunik kikkunnik peqataatitserusunerlutik aamma toqqaallutik. Ilinniartut isiginnaagassiami nammineerlutik inuttalersuissapput, nammineerlutillu akunnerminni komitiimik pilersitsissallutik isiginnaagassiamik aqqissuussineramik, isiginnaartitsineramik immaqalu isiginnaartitsiartoqattaarnernik isumaginnittussanik.

Isiginnaartitsissusiaq aqutigalugu naatsorsuutigineqarpoq ilinniartuq nammineq ilinniakkami iluani ilinniarsimasutut suliamik naammassinnaassaaq. Inaarutaasumik suliamut piumasaqaatit makkuupput:

- Isiginnaagassiaq tamanut ammasumik isiginnaartitsissutigineqassaaq.
- Malitsigisaanik ilinniartut ataasiakkaarlutik naliliiffigineqassapput.

ECTS:

	1. semester	2. semester	3. semester	4. semester	I alt

INAARUTAASUMIK SULIAQ	0	0	0	9	9
-----------------------	---	---	---	---	---

Ilinniartitseriaatsit suleriaatsit:

- Piareersarneq / misissuineq
- Ataasiakkaanik ilitsersuineq
- Takutitsinerit
- Eqqarsaatiginneqqissaarneq / naliliineq

SULIAP SUUNERANIK ALLAASERINNINNEQ: ISIGINNAARTITSISARTUTUT INERIARTORTITSEQQINNEQ

Anguniagaq:

Anguniagaasoq tassaavoq isiginnaartitsivimmi isiginnaartitsinermi uummaarissumik isiginnaartitsisinnaalernissamut ilinniartuq sungiusassallugu. Ilinniartup aamma ilinniassavaa paasiniassallugu isiginnaartitsinermi inuttaaffigisap katitigaanera imaannaangissusialu. Isiginnaagassiornermi pinngorartitseqataaneq ilinniartup aamma ilinniassavaa, isiginnaartitsinermi inuttaaffimminut akisussaasuussalluni isiginnaartitseqatinilu ataqatigiissumik peqataaffigissallugit.

Moduli Isiginnaartitsisartutut ineriartortitseqqinneq naammassineqarpat ilinniartup:

- Isiginnaartitsisartutut / eqqumiitsuliortutut suliani ineriartorteqqissinnaassavai, pilersaarusiorsinnaassavai, ingerlassinnaassavai nalilersinnaassallugillu, kisimiilluni allanillu suleqateqarluni.
- Inuttut nammineq isiginnaartitsisartutut toqqaasinnaassaaq tunngavilersuisinnaassallunilu.
- Misileraanerit isiginnaartitsisartutullu misiliinerit aqutigalugit nammineerluni inuttut isiginnaartitsisarfimmi takutitseriaatsiminik suleriaatsiminillu ilisarsisinnaassaaq, naliliisinnaassaaq ineriartortitseqqissinnaassallunilu. (Takuuk minutsini qulini programmi)
- Isiginnaagassiami inuttaaffiup isumaa kinaassusaatalu kiminga isiginnaartitsisartoqatiminut aamma immikkut ittumik paasisimasaliunngitsunut paasissutissiissutigisinnaassavaa.

Imarisai:

Modulimi uani piviusumik suliarineqassapput ilinniartup nammineerluni inuttaaffigisaasa piareersarnerannut qanimullu ilinniarnernannut tunngatillugu isiginnaartitsisartutut ineriartortitseqqinnerit, pingaartumik isiginnaartitsissutit minutsinik qulinik sivilissusillit eqqarsaatigalugit. Ilinniartup ilinniarnermi nalaani atuarnep saniatigut nammineerluni suliaqassaaq. Soorlu Nunatta Isiginnaartitsiviani isiginnaartitsissutigineqartussanut piffissami sivikitsumi peqataalluni. Nunatta Isiginnaartitsisarfia imminut pisussaaffilerpoq ilinniartut suliaassanik pingaarutilinnik piviusunik perorsaannermut tunngasutigut anguniagalinnik ilinniartissallugit. Ilinniartut ataasiakkaat soqutigisaat piginnaasaallu aallaavigalugit ilinniarnep ingerlanerani makkunatigut suliaqartoqassaaq:

- Projektinik suliaqarneq: Ineriartortitseqqinneq, pilersaarusiorneq, naammassinnillunilu suliaqarneq aamma nammineerluni isiginnaartitsinikkut sulianik naliliineq.
- Ataatsimoorullugu isiginnaartitsinermik ingerlatsinermi suleqatigiinnermik, imminut oqaloqatigiittarnermik attaveqatigiittarnermillu eqqarsaatiginneqqissaarneq.
- Ilinniartup isiginnaagassiaanut suliffimmillu misiliineranut tunngatillugu eqqarsaatiginneqqissaarneq nalunaarusiornerlu.

- Piareersarnej aamma misissuineq: Isiginnaagassianik ataasiakkaanik misissueqqissaarnej aamma isiginnaagassiami inuttaaffimmik misissueqqissaarnej.
- Isiginnaartitsisartutut ineriartoqqinneq: Imminut sakkugaluni atorneq pillugu ilisimasat ilisimaarinninnerlu

ECTS:

	1. semester	2. semester	3. semester	4. semester	I alt
ISIGINNAARTITSISARTUTUT INERIARTORTITSEQQINNEQ	1	1	0	0	2

Ilinniartitseriaatsit suleriaatsillu:

- Eqimattakkaarluni sulineq
- Ataasiakkaarluni pilersaarussiaat
- Piareersarnej
- Naliliineq aamma ataasiakkaanik ilitsersuineq.